



Inatsisartunut ilaasortaq  
Naaja H. Nathanielsen, attaviitsoq  
Maani

### § 37 naapertorlugu POP pillugu apeqqummut nr. 162-mut akissut

Asasara Naaja H. Nathanielsen,

Apeqqutigisannut qujanarujussuaq. Ataani sapinngisannik akiniarsarissavakka tигunerini tullerriaarneri malillugit.

1. Naalakkersuisut ukiakkut 2015-imi Inatsisartut avatangiisinut ataatsimiititaliaanut toqunartut pillugit akissuteqaatertik, tunngavilersuummi issuarneqartoq attatiinnarpaat?

**Akissut:** Apeqqut una uanga susassaqarfimma avataaniimmat Aalisarnermut, Piniarnermut Nunalerinermullu Naalakkersuisoqarfimmut akissutissanik pissarsinarsimavunga. Tassunga atatillugu Naalakkersuisoqarfik imatut oqaaseqaateqarpoq:

Taamanikkut Naalakkersuisut pingaarnertut paasisimavaat Avatangiisinut Ataatsimiititaliamit nerisassat eqqussuunneqartut akuutissanik ulorianaatilinnik akoqarnerat kisiat apeqqutigigaat. Naalakkersuisut akissuteqaataanni nerisassat POP-nik akuutissallu allat inuit peqqissusaannut pitsaanngitsumik sunniteqarsinnaanerat taamaalilluni nerisassat eqqussuunneqartut POP-nik akuutissanillu allanik akoqarneri tunngavigineqarsimavoq.

Nerisassat uumasunit pisut annertunerpaartaat Kalaallit Nunaannut eqqussuunneqartut EU-minngaaneerput imaluunniit EU-mit nakkutigineqartunik inuussutissalerinermut tunngasunik killeqarfeqarfinneersuullutik. EU nerisassani ulorianaatilinnik akuutissartalinnik sukannersunik nakkutilliisoqarlunilu inatsiseqarpoq. Taamaattumik tunngavissaqanngilaq Naalakkersuisut nerisassat eqqussuunneqartut peqqissutsimut sunniteqartarnerat pillugu ernumanartutut oqaaseqarfigissallugu.

Naalakkersuisut apeqqummut qulaaniittumut allaanerusumik akissuteqarfigissallugit suli tunngavissaqartinnngilaat matumani taamaallaat nerisassat eqqussuunneqartut kisimik pineqarpata. (Aamma takuuk apeqqut 3-mut akissut).

2. 2003-mi misissuineq Aarhus Universitetip Center for Arktisk Miljømedicin saqqummiunneqartumi nalunaarusiami AMAP-imi inuusuttut kinguaasiofiusut ukiuinik ukiullit immami miluumasunik nerisaqarnissamut mianersoqquneqarput, tamanna Naalakkersuisut qanoq isumaqarfigaat?

**Akissut:** Naalakkersuisut misissuineq tusaatissatut tigusimavaat. Misissuineq ilaatigut tunngaviuvoq Nerisaqarnermut Timigissarnermullu Siunnersuisoqatigiit avatangiisinut

26-07-2016  
Sags nr. 2016 - 10712  
Akt nr. 3190945

Postboks 1160  
Tlf: 34 50 00  
Fax: 34 55 05  
3900 Nuuk  
Email: pn@nanoq.gl  
www.naalakkersuisut.gl

takornartaasunik ileqqutoqqatsinni nerisassaattita akoqarsinnaaneri pillugit annertunerusumik paasissutissiisoqarnissaanik innersuussinerannut aammalu nerineqartartut avatangiisinut akornutaasinnaasunik akullit nerinaveersaarneqarnissaat innersuussutigimmassuk.

3. Naalackersuisut ilisimatusarfinnut ilisimasamikkut tusaamaneqartunut allanut toqunartunik inuit peqqissusaannut kinguaassiorsinnaanermullu ajoqusiisunut uparuartuisimasunik ilisimasaqarpat? Taamaappat – Sooq Naalackersuisut Inatsisartut avatangiisinut ataatsimiititaliaanut akissuteqaatimittut akissuteqaateqarpat?

**Akissut:** Naalackersuisut nunarsuaq tamakkerlugu katuffinnit akuerisaasunit immikkut ilisimasalinnik ilisimasaqarput. Matumani ilaatigut katuffiit ukutut ittut FAO/WHO, JECFA (Joint FAO/WHO Expert Committee on Food Additives), EU-SCF (Scientific Committee for Food) aammalu EFSA (European Food Safety Authority).

Taakkua allaganngorlugit malittarisassaliorsimapput ilaatigut nerisassat ullormut nerineqartartut qanoq kviksølvimik, dioxin-nimik dioxinimullu assigusunik PCP-inik (POP-it) akoqartiginissaanik qaangeqqusaanngitsunik aalajangersaasimallutik

Malittarisassatut allanneqarsimasut taaneqartut qaangeqqusaanngitsutullu aalajangersarneqarsimapput akuutissat tamakkua pitsaanngitsumik inuit peqqissusaannut sunniuttarneri pillugit ilisimatuussutsikkut misissuinerit aallaavigalugit Naalackersuisut akuutissat tamakkua ajoqutaasinnaaneri susassaqaarfimmilu malittarisassiat ilisimaaraat. Taamatutaaq Naalackersuisut immikkut eqqumaffigaat kalaallit nerisassaataani ulorianaatilinnik nerisassat akoqarneri – immikkut ittumik miluumasunit imarmiuneersut.

Taamaattumik pissutissaqarpoq innuttaasut akornanni sanngiitsut mianersoqqissaarnissaanik siunnersussallugit.

4. Toqunartut avatangiisinullu mingutsitsinerup inooriaatsitsinnut peqqissutsitsinnullu kingunerisinnaasaannut qanoq Naalackersuisut eqqarsaatersorpat? Naalackersuisut tigussaasunik pilersaaruteqarpat sunniutaasinnaasunut millisaasussanik?

**Akissut:** Naalackersuisut innuttaasut tamarmik inooriaasiat peqqissusaasalu qulakkeernissaat anguniarlugu sapinngisaminnik akuutissat toqunartullit avatangiisinillu mingutsitsineq pillugu suliniarnerminni sapinngisamik ilisimalikkat nutaanerpaat atorniarsaraat.

Pinngortitamut, Avatangiisinut Nukissiteqarnermullu Naalackersuisoqarfik ukunannga oqaaseqaasiorsimavoq:

Naalackersuisut 2015-mi Eqqagassalerinermut Pilersaarut akuersissutigisimavaat tamatumani ilaatigut ukkatarineqarlutik illoqarfinni arfiniliusuni ikuallaaviit sivilunerusumik atasinnaaneri avatangiisillu eqqarsaatigalugit nutarsaanissaq.

Dioxinit aatsitassallu arrortikkuminaatsut eqqarsaatigalugit pitsaanerusequmik putsumik salisoqarsinnaanera siunnerfigalugu suliniartoqarpoq aammalu periuseq BAT malillugu atortunik tamanik nutarsaanissaq anguniarneqarluni. Taamaattumik 2016-mi aningaasanut inatsimmi Aasianni ikuallaaviup iluarsartuunneqarnissaanut avatangiisillu

eqqarsaatigalugu qaffarsaanissamut aningaasaliisoqarsimavoq. Ungasinnerusooq isigalugu anguniagaq tassaavoq illoqarfinni ikuallaaveqarfiit 2024-mi EU-p dioxinimik aatsitassanillu arrortikkuminaatsunik aniatsitsinermut killigititaanik naammassinnissimanissaat.

Peqqinnissaqarfiup iluani akuutissat toqunartullit peqqinnerlu pillugit paasissutissanik assigiinngitsunik suliarinnittoqareersimavoq. Nerisaqarnermut Timigissarnermullu Siunnersuisoqatigiit innersuussutit AMAP-imeersut malippaat taakkulu innersuussutit Peqqissutsimut Naalackersuisoqarfik suleqatigalugu saqqummersinneqartuni tunngavigineqarlutik. Innersuussutit taakkua quppersakkami *Siunnersuutit Peqqinnartut – meeraaqqanut 0-3-nik ukiulinnut kiisalu naartusunut milutsitsisunullu nerisassat* kiisalu Nerisaqarnermut Timigissarnermullu Siunnersuisoqatigiit atuagaaqqaanni *‘Mingutsitsineq kalaalimerngillu. Nerisatoqqavut toqqissilluta nerisissinnaavagut?’*, tassanilu mingutsitsineq pissutigalugu arferit kigutillit, puisit utoqqaat nannullu neqitornaveersaarnissaq innersuunneqarluni.

Nerisaqarnermut Timigissarnermullu Siunnersuisoqatigiit aamma aalisagartorerulernissamik suliniuteqarneq ingerlassimavaat. Miluumasunik imarmiunik nerisarnermiik aalisagartorerulernermik allanngineq avatangiisinut ulorianaatilinnik akuutissat appasinnerulersinnissaanut iluaqutaassaaq. Taamaaliornikkut paasitsiniaanermi innersuussutaasutigullu inooriaasitoqaaq ataqqiniarsarineqarpoq. Tamatumani kiisalu nerisassat allat annertuumik amigaataaneri pillugit ilisimasat oqimaaqatigiisinniarnerni nerisassaatioqqanit allaanerusumik nerisaqalernissaq ajornarlunnartussaavoq tassungalu taarsiullugu amerlanerussuteqartunut anguneqarsinnaasumik aalisagartorerulernissaq ukkatarineqarnerulersinnaalluni.

Naalackersuisut aammalu Nerisaqarnermut Timigissarnermullu Siunnersuisoqatigiit aalisagartorerup saniatigut innersuussutigaaq miluumasunik nunamiunik atuinerunissaq soorlu kujataaneersunik kiisalu naatitat nassunillu qaqqaneersunik nerisaqarnerulernissaq.

Inussiarnersumik inuulluaqqusillunga  
Med venlig hilsen

Doris Jakobsen